



西泠紀遊

丁卯秋碧巢有武林之行余與芑兒及門人若木倬雲方舟並濟假寓西泠昭慶寺凡身之所至目之所經輒爲詩紀之合諸碧巢及若木倬雲芑兒所作共得雜體詩歌百餘首雖湖山之勝未能徧及而文酒倡訓亦可以見一時佳話也

夜泊塘西

鼓棹出桐谿危橋水拍堤石門斜日在村墅晚煙低魚躍衝波起鳥驚繞樹啼遙知泊舟處人語是塘西

昭慶寺

已到錢塘路蘭舟向北停  
岍廻千頃綠門對數峯青  
鐘梵聞鄰刹煙雲帶遠汀  
僧房多旅寓知為羨西泠

錢塘懷古

王氣銷沉霸業空江山環堵昔稱雄  
千層翠巘浮湖外萬里寒潮到海東  
吳岫晚煙栖樹碧西陵殘照射波紅  
城頭畫角催歸鳥猶有行人說故宮

湖舫同遊急雨忽至因成長歌

四湖山水天下奇晴光雨色都相宜  
碧巢詩人真好事回舫隨雲移南屏  
諸峯翠如黛波光蕩漾青琉璃  
隱動月電倏至張朱旗砲車雲湧狂風作

平湖波立起蛟鱷雨勢奔騰萬馬來  
無邊白矢篷窗落鷓首纔看匹練飛  
回眸已失青山脚湖船清淺不畏風  
談笑何妨恣狂謔須臾雨過風旋定  
高城半露斜陽暎湖外煙嵐尚未收  
中流細浪明於鏡湖心亭子斷虹邊  
翠瓦朱甍最高巖相攜登眺憑畫闌  
四望蒼茫發清咏人間倚伏無時休  
風雲縹緲生滄洲魚驚鳥駭龍鬪野  
雄圖瞬息成千秋湖山終古不改色  
俯仰天地開雙眸與君一笑廻橈去  
微月穿雲浸碧流

孤山弔林和靖墓

放鶴孤亭俯碧流煙迷衰草弔荒丘  
暗香疎影疑長在

檀板金樽更不留人去斷橋涼雨歇鐘來蕭寺夕陽收  
可憐湖上多祠廟不及先生土一杯

西子湖口占

青山如黛水平鋪鏡裏新裝勝畫圖南渡君臣誇宴賞  
不知西子竟亡吳

山行即事次碧巢韻

秋霽步籃輿沙堤草痕軟山腰翠靄積湖面波光炫宿  
霧含雨收餘霞半空展幽尋最心愜佳趣從目選峰廻  
樹更密谿盡徑隨轉寺古松色深階平蘚痕淺從茲人  
到稀遙望路難辨山厨餉茗粥午飯進蔬膳石勢觀畫

屏泉鳴聽繅繭憩坐何所言塵懷自茲遣

冷泉亭

亭影碧潭上到來塵慮忘光含土花靜聲與松風長巖  
際落空翠樹間生早涼莫教輕漱濯恐有蟄龍藏

靈隱寺

鷲額飛來積翠深嵯峨殿閣起珠林丹梯百丈披雲出  
灌木千尋背日陰鳥下香臺齋鉢靜鹿眠花徑午鐘沉  
何人更咏江潮句繞遍僧廊不可尋

飛來峰歌同碧巢作

武林山色青成堆一峰何處潛飛來峻嶒怪石鮮寸土

璽龍刻削真奇哉蛟龍飛騰虎豹怒肉牙爪鬣張嵒  
聒聒斬將溟海鷗鳥翼馘取碣石鯤魚鯁昆陽陣前矛戟利  
未央宮中冠劍陪騰驤萬馬肆超躍輕車輾輓爭喧逐  
旌旗一揮辟壘靜百萬壯士齊銜枚俯窺或疑地軸陷  
仰視或恐天關頽吾聞元化本渾厚造此奇巧誰胚胎  
巨靈有意斲山骨神斤鬼斧奔風雷雕鐫剔抉顯空洞  
曲廊燈道軒窗開此中定復有奇勝直下海底通蓬萊  
或云來本自西土以塿鎮之今不回茲言誕謾不可信  
予不語怪休驚猜山川自合有靈秀石勢卓犖非凡材  
虛中峻外似軒翥人疑羽翼乘浮埃鑿剔混沌果誰是

峰前一笑相裴徊

錢武肅王廟

虎鬪龍爭未肯休東南王氣果誰收軍聲遠過八百里  
威令常行十四州誰把錦衣裳樹頂空將勁弩射潮頭  
一方保障留遺愛祠廟依然感舊遊

棋盤山

山頂石  
如棋枰

碧山高處置楸盤世外何人冷眼看可惜當時全局在  
獨將一肉保偏安

南屏

雨晴涼氣撲秋衣山翠如屏暮靄飛一派夕陽波影亂

鐘聲緩緩送人歸

湖心寺觀魚

今稱放生池投餌羣魚爭戲水面

赤欄低壓錦鱗浮宛轉迴橋鎖碧流濠上已知魚樂處  
莫因香餌誤吞鈎

中秋日雨碧巢載酒同遊西湖分賦

蘭舫招攜興不孤中秋煙雨滿平湖波搖粉堞疑浮動  
雲鎮青山半有無醉裏賞心魚鳥窟望中懷古帝王都  
淡粧濃抹休輕負燈火依稀入畫圖

從閘口放舟至西湖壩寓目偶書同碧巢作

湖水高於

平地築堤設閘注於城濠又設壩蓄水以通舟楫

晴湖蓄清波潏勢快奔瀉環城映深碧水面漾亭舍輕  
航便往來理楫甚閒暇增遠如送人青山出林嶺平疇  
分隆窪菰蔣雜桑柘人居漸紛錯鱗次接廣廈翠幙張  
高樓新妝倚芳榭倒影動危闌微風布蘭麝秋花或青  
紅臨岬自嬌妩物態殊足佳煙光遞迎迓舟人喧雜還  
雁齒限深壩應知古人意水勢辨高下灌溉得所資淵  
泉相注射緬想鄴侯賢芳名豈虛借

歸舟泊雙橋見月有作

時已就睡見月色大佳復起呼酒快飲

連日西冷雨歸船趁晚晴漸看雲脚淨喜見月華生把  
醖仍殘醉因風記遠更野塘秋水濶遙望亦空明

秋日見藍村詩有用薩天錫韻寄懷碧巢之作次

和二首

迎眸野色尖風射數叢翠篠藏斑鷓楓老枝頭霜意酣  
荷殘水面鉛華謝扁舟何處訪幽人一帶漁村兼蟹舍  
欲寫音書寄八行波中雙鯉誰能借

獸肥草淺彎弓射鈎輶樹裏啼雙鷓隱處休嫌山更深  
故人向我曾申謝橐韃登壇須一鼓中原鞭弭留三舍  
他日還尋方外遊七尺烏藤雙不借

戊辰春日寄懷碧巢於粵東四首

自與十年聚曾無三月違別來經客歲相望換春衣庾

嶺梅花落衡陽雁字稀憑闌望君處江柳正依依

鴿原情正切鷗侶暫分攜柳葉籠煙暗榕陰礙日低汀

橋鸚鵡喚山店鷓鴣啼風物多韶麗懷人夢轉迷

矚近山嵐減春來海氣清戟門傳畫角幕府颺雙旌珠

履名流集雕鞍置驛迎羊城雖自好且為數歸程

雲山連五嶺車馬亦相通章貢春波綠桐廬曉樹紅好

風催挂席疎雨滴征篷幸與素心者行囊倡和同

喜六州至同登虎丘

南望苦相憶喜君能遠來旋移剡谿棹同上生公臺一  
徑晚香合半蠟花雨開茶瓜共留坐猶逐暮鐘回

曉月渡鶯脰湖

早覺明星歛金波上下同鷄鳴煙渚外雁起荻花中蟹  
斷隔前浦棹歌隨曉風羈人帶殘夢乘月過橋東

至勤有居即事

不獨離羣久庭花見亦稀涼風吹桂樹香氣上簾衣秋  
晚衆芳歇天高陽鳥飛東籬數叢菊應待主人歸

初冬月夜同六州自段橋步至龍王廟偶成長歌  
錢塘門頭片月生錢塘門外煙波橫秦樓楚館不復見  
惟者一片波光明長堤晉梟如足練六橋煙柳猶蔥蒨  
信步騰騰趁月行冰壺夾岬雙眸眩珠宮貝闕波中央

羣神恍惚驟龍翔蒼茫萬頃起光怪臨流佇望生悲涼  
今來古往西泠水繁華已逝如流矢城頭烏鵲繞枝飛  
何處悲笳數聲起君不見錢王祠廟枕荒丘宋代行宮  
禾黍秋惟有西湖舊時月年年常照古杭州

題湖心亭

面面湖光合紅闌俯碧流空明疑對鏡演漾似停舟粉  
堞連雲動青山倒影浮西泠佳麗處都在望中收

月夜遊西湖作

去年遊湖上乃在中秋時擬邀天邊月照耀湖山奇隔  
夜起雷雨朝來雲脚垂平湖千萬頃煙靄方迷離斯遊



未稱意耿耿難為辭今年鼓蘭柂重向西湖渚其時孟  
冬初秋今仍未移湖光正暄妍山翠分叅差楓林綴霜  
葉五色相紛披堤邊楊柳枝拂水生漣漪夕陽下西峰  
明月升東涯金波漾千疊細作魚鱗吹湖光與天影上  
下同琉璃驪珠吐四照貝闕舒旌旗微颺振林臯鼓瑟  
兼吹箎釣天張洞庭此際人誰知前山數峰列影落當  
深陂猶疑亂雲堆恍惚蟠蛟螭煙收浪花靜不見纖塵  
遺正如菱花鏡出匣當晨曦信哉西子妝輾轉多媚姿  
今宵遂佳遊嘯詠堪自怡湖山本如昨隨遇分妍媸勝  
事莫輕負月華常在茲

自昭慶寺入城聞迂客同憲尹蒼山至湖上次見  
懷原韻時俠君先一日至  
雨秋分袂到江鄉霜染秋林雲錦囊勞我倚闌思玉樹  
香君移棹過錢塘高城尚隔深宵雨古寺應聞入定香  
得相逢攜手處蘓堤十里水雲長

再題湖心寺

開波影明雲去嵐光溼亭上倚危闌人從鏡中立  
湖上遇平湖沈客子同夜泛

長天入清波倒影疑百丈歷歷魚火明旋移遠汀上盤  
供蒼鹿脯瓶注松花釀茫然萬頃中一葦隨流放

同人招集西湖用范石湖浮丘亭韻

同集為蕭山毛大可山陽張毅

文平湖陸義山沈客子孫嘯夫錢塘吳慶伯陳子襄吳寶崖李弘載長興臧受澄休寧汪周士及同里黃憲尹史蒼山顧迂客俠君

十巘環拱蛟龍宅咫尺紅塵與相隔西湖名勝到今傳  
隄畔時時聚住客煙波千頃明鏡開日光晃漾搖亭臺  
新晴風景正蕭爽蕩槳何人載酒來名流用意頗深至  
要共同心詎山水峰影層層浸碧流湖心一片清無底  
島船坐泛疑凌波清言欲聽千株松半醉迴撓沸茶鼎  
人間名利如窺井

周士邀諸同人共泛湖船疊用浮丘亭韻

湖山雅稱騷人宅越角吳根豈遠隔畫船日日共論文

快飲不須分主客千峰蒼翠浮雲開斜陽照耀雙蓮臺  
連朝勝友幸歡聚汪子掀髯江上來旋呼快槳攜尊至  
整頓芳筵浮綠水觥船滿泛對蒼茫差勝彎冷坐蓬底  
明霞映水低晴空波聲遠和寒巘松說詩正欲追匡鼎  
修綆何人汲深井

冷泉亭分韻得冬字

冷泉堪避暑風物更宜冬淥淨涵紅樹丹黃映碧峰霜  
催雲錦麗波染畫圖濃待欲尋源去霞光隔幾重

玉泉寺觀魚歌

媧皇補天琢奇石銀浦流波蕩空碧錦鱗翠彩鬪明霞

異種傳來鬼神惜老龍夜靜窺天門玉泉噴薄披雲根  
誰分魚子炫殊色日月精華相吐吞紅如丹砂白如  
鈿翠鴉黃間黛綠揚鬢鼓鬚從天池半畝芳塘一杯足  
盃噉煦沫波沄沄旋宮貝闕離垢氛莫教鼓掌成龍去  
化作天邊五色雲

### 大佛頭寺

丈六金身半斷崖慈容如月更塵霾天宮樓閣知何在  
頭石原同一處埋

### 望湖亭晚步

孤山隄畔古香臺同上孤亭晚照開無限湖光與山色

一時都向望中來

紫陽庵

在吳山岩石甚  
奇有丁仙祠

紫陽丹竈在古石繡苔衣虎豹埋雲睡蛟龍挾雨飛洞  
深鳴墜葉巖迴挂斜暉城郭今猶是空嗟丁令威

### 登吳山望浙江

虎林山水佳形勢相聯絡山霧鎖高城閭閻互紛錯喧  
闐百萬戶街市藏丘壑突起一峰高吳山氣磅礴蒼崖  
似畫圖石徑難鐫鑿樹影鬱青蔥輝煌映樓閣樞衣奮  
欲登岐路猶前却攀石漸崎嶇空林倚叢薄峰前露巖  
洞一一皆鑿削飛觀自何年仙靈此棲託丹梯更崇峻

雲際飛孤鶴，賈勇陟其巔。雙眸縱寥廓，江波起浩汗。萬里長風作九折，自奔流潮來海門。約騰驤，擁萬馬，白草連雲幕。東望接鴻濛，遙空入漠漠。縈紆似襟帶，佳氣凝城郭。緬想射潮人，乘時建雄畧。憑江踏勁弩，飛矢潮頭落。雉堞聳高雲，名都遂開拓。泊乎宋南遷，國勢何孱弱。匹馬渡長江，烽塵暗京洛。長城乃自壞，鑄鐵真成錯。尚戀此湖山，偏安取娛樂。禾黍故宮愁，寒風正蕭索。迢遞鳳凰嶺，丘隴潛狐貉。王氣總銷沉，江山尚如昨。荒洲返獵騎，廢殿悲叢雀。惆悵欲言歸，斜陽射山脚。

月夜抵桐鄉

乘風過長浦，帶月抵孤城。荻渚春猶淺，蓬窗夜轉明。巖城纔下鑰，急柝已催更。倚枕聞雞唱，遲余握手情。

已巳上元過桐谿觀劇夜飲即事呈臨亭

然二首

畫簾低颺燭花催，積雪纔消好月來。一夜新聲歌九變，柘枝嬌態舞三臺。北堂春蚤護枝綠，南國人同雁字回。晷是上元風景麗，相逢長共泛金杯。

十載君家百尺樓，剪燈談笑共淹留。地靈自古通吳越，寶氣中宵射斗牛。花際正懸徐孺榻，桐陰還繫李膺舟。平原十日須沉醉，酒社歌筵是舊遊。

留別碧巢

人生有離合身遠意故長與君兄弟間十載共一堂論  
文至深夜華燭生輝光別來遂經年夢寐情不忘君行  
踰嶺嶠聞是古越裳珠璣并玳瑁到今亦蒼涼寒暑乃  
遞更再見經冰霜每來過君家倚檻頻遠望雲山阻萬  
疊雁影空飛翔頃者君始歸歲除逼青陽無由道情悵  
江路煙蒼蒼新年風物佳雪壑梅枝香寒谿倚孤櫂執  
手多慨慷登堂共拜母接坐飛瑤觴連夕聽新聲輕塵  
下雕梁舊遊喜相聚不厭逞酒狂奈此迫歸思晨興理  
行裝君家故意氣鄭重不可當寧能遽言別岐路空徬

徨我有素心友望余歸故鄉東臯理舊業蠹篋存縹緗  
交情若金蘭異地非參商與君心相知毋以形迹妨

六州碧巢過訪依園留飲以詩送之二首

煙雨桐谿路到來幾時喜停江上棹旋問篋中詩倚  
檻游魚出穿林好鳥知離情竄相憶楊柳漸如絲  
名兼兄弟好興爲人用招共是經年隔相期千里遙寒  
香抽宿莽微綠上新條莫謾輕言別春寒酒易消

庚午元夜敬翼堂看燈分得橋字

余自初十夜與憲尹至桐谿後三日山子自梅里至  
碧巢以上元夜置酒敬翼堂看燈是日柯庭探梅西

谿而明日山子欲歸六州將之苔上碧巢有新安之  
行而余與憲尹亦將返棹吳門矣因用火樹銀花合  
星橋鐵鎖開平聲字爲韻暨六州令子若木倬雲即  
席分賦得詩七首

良會逢春好高朋可待招梅開微雨漬月吐凍痕消火  
樹凌芳榭花燈簇畫橋離情共樽酒須不負良宵

留示若木倬雲兄弟

學以分陰積山由一簣崇墳篋含雅奏花萼占芳藜謀  
道無他事存心在此中搏扶知有日努力望培風

過桐谿題安雅堂

谿上幽居卜築新堂軒高敞淨無塵書聲隔竹通三徑  
花氣垂簷接四鄰金谷樹頭鶯送曉謝家池上草生春  
百城坐擁無餘事門外休疑要路津

題篋谿目送飛鴻手揮五絃畫卷

巖際孤雲收喬林暝蒼莽幽人坐陂陲萬象涵空廣渺  
渺歸飛鴻遺音落千丈長空入寸眸指下生幽響峨峨  
復湯湯山水共清朗古調猶可追悠然結遐想上窮青  
冥際胸次納穹壤此意誰得知披圖共欣賞

九日同憲尹簪雷弟若木倬雲熾南兄弟登桐鄉

城樓分韻得峰字

華及堂初集  
異縣登高躡舊蹤不勞陟險更扶筇雲連古堞風吹帽  
煙鎖危樓日下春萬里又逢遵渚雁數聲遙聽隔溪鐘  
樽前憶向楞伽寺因上吳山第一峰

題碧巢大梁行旅圖

鳴鷄催曉色疋馬揮鞭行蒼煙澹原野千里黃塵生  
門在何許吹臺亦徒名山川尚如舊塊塋終難平吾友  
方壯遊長途事晨征丈夫四方志民物勞經營盛氣凌  
九州抱負殊不輕長空懸曉日雲際黃河明誰為託毫  
素寫此行旅程含思邈無際感我平生情

初夏過桐谿二首

春來停權正花時今日重來綠滿枝雙燕引雛風剪剪  
鳴鳩呼婦雨絲絲檢書燭下勞搜訪話舊樽前有夢思  
遙憶黃金臺畔客關河迢遞兩心知  
百尺樓頭記昔年同堂晨夕對陳編書探二酉多奇字  
賦就三都有幾篇窗下碧梧棲鳳羽匣中神劍吼龍泉  
茗溪水漲雙魚便欲寄遙情拂短牋

題畫送碧巢之桂林四首

披圖動行色似到灘江口攀得桂枝香無煩折楊柳

薛題

辰令桂林  
送行卷

桂海山明秀蒼巖有路通花邊看蠻舞應與石湖同

黃題

怡谷摹石  
湖桂海圖

秀色獨標奇千峰孰敢競登臨列簪笏碧玉參差暎吳題

息菴獨秀

朝天圖

八桂堂名舊香從月下新一枝先折取早慰倚閣人馮題

誠菴桂子  
天香冊子

附子芑字正禾

西泠紀遊

丁卯中秋侍 家大人讀書桐鄉碧巢先生招遊湖  
上凡所經歷輒有題咏錄為一帙曰西泠紀遊鳳巢  
俞芑自識

塘西夜泊二首

亂鴉棲樹水蒼茫收却輕帆泊野塘月被雲遮留玉宇  
桂隨風至墮天香勝遊漸喜峰巒近淺醉渾忘締綵涼  
整頓篷窗欹枕睡早分清夢到餘杭

漁燈遙暎水窗前汨汨谿流落枕邊欲向名山同勝覽  
不容清夜有愁牽才華盡入風簷試姓氏爭期雁堦傳  
異日功名何可量扁舟輸我一宵眠是日秋試第二場

寓昭慶寺慈受房僧無隱設酒肴供客醉中口占  
寺僧不祝髮談笑愛其狂釀取餘杭酒親同客子嘗燭  
銷窗有月風靜夜生涼醉向繩床倒身如在故鄉



泛舟西湖遇驟雨作

西湖水清淺下有蛟龍宅揚鱗鼓狂風四際浮雲白衆  
山本羅列忽若千里隔白鷗忘機鳥相與竄蘆荻驟雨  
從東來波心萬珠滴篷窗決渠溜餘點沾几席幸無波  
濤驚談笑意頗適蘓堤號名勝往往多行客寧知雨中  
遊更覺風景僻此行未爲虛勝事天所錫風止雲亦收  
明湖湛空碧

孤山

孤山蒼翠接平湖危石疎林列畫圖桃柳滿隄新種得  
更栽梅樹慰林逋

西湖二首

湖堤如帶護高城森森晴波粉堞明不見荷花三十里  
但聞漁唱一聲聲荷花三十里爲繞郭勝遊後  
因蓄魚權稅林不得種荷  
秋風瑟瑟白蘋多秋水平於芳草坡蕩槳小舟真似葉  
不知江海有風波

弔林和靖墓

苦節甘肥遯高風亘古傳老梅猶有樹孤鶴已成仙故  
國江山在游人歲月遷滄波幾回變荒塚竟依然

孤山四賢祠

漁陽鼙鼓聲逢逢運籌獨賴長源公樂天豪邁亦人傑

詩句至今人所宗子瞻文章比韓柳敢言直諫稱孤忠  
三君世代縱相隔立功立言將無同角巾危坐威儀肅  
孤山處士林君復種梅調鶴不求知竟與諸賢共尸祝  
逸民隱去古來重寧獨功名耀人目丈夫得志如鸞飛  
否則巖棲友麋鹿夷齊未必輸周召巢由益稷原相肖  
此身甘向長林棲胸抱奇才始高蹈鄙夫俗子慕虛聲  
終南捷徑徒貽笑鄴侯勳業白蘓才也許梅花作同調  
惟余性拙嬾逢時綠水青山素所好四賢祠內瞻遺像  
矯矯前英盡堪效湖上逍遙倍有心獨向林君屢憑弔

錢塘懷古

宋朝南渡此神京曲折江流遠護城已忘中原為故土  
遂教諸將各收兵寒濤洶湧臣民恨落照淒涼世代更  
回首故宮何處是冬青樹上杜鵑鳴

望雲

孤雲縹緲依巖樹倏忽飛揚滿天布萬松如帚掃不開  
空中化作濛濛雨輕颺忽起東南角風伯能將渾沌鑿  
蓬山傾頽入滄海依舊來歸舊巖壑勢隆力盛寧足恃  
人間富貴須臾耳

靈隱寺

孤峰聳起結禪房古木參天遶曲廊巖際嘯疑獅子吼

雲中風度木樨香，霸圖早遜青山固。王氣全輸碧水長，  
行客每多懷古意。老僧無復嘆興亡。

冷泉亭

峰下孤亭古澗旁，白雲深處水洋洋。欲攜一滴清泉去，  
遍向人間洗熱腸。

飛來峰

造化尋常乾坤亦穿鑿，幻茲一拳石突兀聳巖壑。仰  
如虬龍飛俯如猛虎攫垂天，若大鵬瘦立類孤鶴。或如  
僧入定，趺坐歸冥漠。或如人冠裳端拱自嚴恪，乍疑五  
丁開無乃巧匠斲。即之多巖洞，望處若樓閣。徑竇通東  
西，軒窗似雕琢。白雲穿其間，清泉半空落。中華占名勝，  
西土只一角。玲瓏勢如飛，因此遂假託。人生見聞稀，窮  
谷罕搜索。忽看峰巒奇相顧，或驚愕謂為靈鷲來。斯語  
不更度繆誤，傳千載山靈有餘作。

雨後過蘓堤

有輿擇勝西湖上，驟雨初晴興更賒。萬頃碧波搖素練，  
千峰黛色帶明霞。蒼松不辨西陵塚，白鶴難尋處士家。  
往事每勞頻悵望，祇餘垂柳數行斜。

于忠肅墓

忠魂何處但青山，血淚揮來野草殷。一自桑田更遷變，

應無好夢到人間

墓傍有祠人多於此祈夢

湖心寺觀放生魚

大魚掉尾波心衝細雨四散迎斜風  
小魚傍岸思尋食鳥影一照水底匿  
江湖非大沼非小此中曾無網罟擾  
香餌有時人戲投吞之竟日終無鉤  
紅闌面面供人看我獨徘徊發長嘆  
湖邊遙望多村落農人安得如魚樂

賈秋壑所植桂

古桂扶疎歲月長年年金粟到秋芳  
花前莫問何人植恐使花知不敢香

棋盤山

歛子何如下子勞林間寂寂只松濤  
輸贏若把當時較獨有林逋一着高

萼花

不將桃李鬪繁華素質亭亭立淺沙  
何事孤山林處士更於湖畔種梅花

歸舟夜泊雙橋月色甚佳既卧復起呼酒更酌因

作歌

名山勝地不可移惟有明月隨處好披衣起坐掀篷看  
一望清光遍繚繞樓鳥無聲鳥尚啼潛鱗驚躍衝沙深  
小橋跨澗斷人行犬吠信信出林表回首錢塘路幾重

但覺青峰尚了了中秋喜看月華生月到中秋却偏少  
虎丘山頭不輕見欲向餘杭縱登眺昨宵畫舫傍蘓堤  
微雨空濛弄人巧扁舟今夜漁磯泊素娥分外如霜縞  
數聲長嘯徹廣寒醉中更把青尊倒世間行樂豈有常  
領畧憑人更誰曉

端午華及堂夜集分賦

客館逢佳節開筵勸舉觴語侵梁燕睡酒雜楚蘭香艾  
虎催微暑龍舟憶故鄉獨醒人自拙痛飲不辭狂

桐鄉縣城納涼

羽扇絺衣趁晚涼城頭閒寂好徜徉周圍未必逾三里

險要居然障一方入市村農歸急遽散衙縣吏走踉蹌  
可堪極目郊原外蔓草荒煙古戰場

秋日旅館讀書

涼風吹梧桐秋意來庭除香煙透疎簾縹緲凌太虛身  
閒心不擾室靜意自舒羲和馭白日駟馬馳輕車呼童  
拂几席讀我孔孟書晏安古所戒復居勤有居

聖賢垂竹帛一炬遭祖龍漢武重文學詩書稍流通卓  
哉傳經儒厥有再造功奈何後之人訓詁多朦朧六緯  
皆無稽雜之經傳中方士造圖讖立說相尊崇是爲侮  
聖言孔孟所不容傳經以滅經罪與秦皇同

七夕華及堂讌集分賦

庭院新來七日秋鵲橋初駕渡牽牛陳瓜嬾乞天孫巧  
把酒能消客子愁簾引好風清座右梧招涼月挂梢頭  
醉談農事惟嫌早欲挽銀河瀉碧流

次韻送周管谷先生北上二首

金臺傳市駿端為出羣良歲月猶遼濶江河更阻長隄  
垂疎柳碧籬綴晚花黃繾綣難分手臨岐勸一觴

江干從此去南北一朝分地主能相顧天懷迥不羣

縣侯為先生同里

拈詞花作友題畫竹為君逸興今誰共依依戀

夕曛

咏鳳鳴寺十月牡丹次原韻二首

魏氏名葩亦拒霜誤將穀雨接重陽看來庾嶺都無色  
摘盡東籬別有香不解春風招舞蝶但隨寒月映禪床  
拈花試向瞿曇問更有新開頃刻方

豈將寒令誤芳華舞態亭亭映綵霞含蕊誰知催羯鼓  
芳姿仍許鬪瓊花聊同精舍伊蒲供不羨長安富貴家  
占盡春光須第一隔年先受玉堂麻

留別碧巢先生兼憶鷗亭先生於茗上二首

相聚不知久臨岐別意長衝寒放漁艇踏雪醉瓊觴春  
近人方遠庭閒梅吐香鶯湖今夜泊飛夢繞華堂

忽已歲云暮因之動客愁  
冰花迷遠浦雲樹隔長洲  
屈指將五方知轄久投欲憑雙錦鯉寄謝綠波鷗

華及堂視昔編

華及堂視昔編

休寧注 森晉賢輯訂

顧文淵字湘源一字綸思號雪坡常熟人疎狂縱酒兼味禪悅里衍中有顧癡之目能詩善書畫可遠追鄭虔三絕虞山自錢宗伯公爲一代文章宗匠湖源尋流家多師承雪坡從陸勅先錢湘靈諸君子游處所爲詩雖才氣奔軼而步趨不離繩墨山水則宗王子石谷有小元人別致雅慕羅浮張鐵橋作霜蹄霧鬣又善畫馬至諸家書法刻意摹臨輒多酷似中年亦擅八分停雲館帖近歸虞山錢氏其斷缺處出雪

坡補勒馬憶丁巳夏雪坡過華及堂晴軒雨夜倡和  
之餘觀其潑墨縑素及談論古今輒留連不忍暫分  
維時名流雜選集艷開樽雪坡拇兵三北每每搗堂  
中所置漢代銅鼓或醉倒座隅爲一時韻事戊午四  
明毛宣來桐溪作雅集圖鹿床管谷雪坡皆與焉丁  
卯同余遠走羊城篷窗暇日吟咏成編今散落殆盡  
惟存高涼雜興數十首癸酉余倅粵右適雪坡赴山  
左行聖公之招徃還其地致鱗羽邈然逮余粵西未  
歸之前一載雪坡過余猶子齋中方作寄懷詩詩未  
就而體中作惡燈下猶引滿大酌明日遂成物化矣

其詩僅得首二句八千里外寄書稀不得回槭慰渴  
饑蓋絕筆也余聞之不勝悲悼因記曩在高涼時忽  
得管谷訃音余兩人相對嗚咽雪坡不覺椎胸叫號  
聞者駭異不知爲何事羣相奔視訊知其由始哄然  
而散豈謂雪坡未及管谷之年竟令余哭之耶一女  
適蔣注曙來之子曙來亦余舊交

丁巳清和月之中澣過華及堂晉賢屬作雨夜止  
宿圖畢因述短句於後

往年行路多南轅馬煩車殆投荒原懷中一刺不漫滅  
旅食愧厠諸侯門衆額雲興拖白練大江月出呈金盆



燕開水榭出妙妓鸞簫象板吳歛翻淹留日日放懷飲  
淋漓醉筆留癡痕今春更發金閭棹雪勒梅花風韻少  
濮汪兩君共傾倒謂盛宗文彦及澹軒高士旬月嘉禾縱憑眺前來南  
湖尋范蠡不向西陵弔蘇小買臣墓上讀蘇碑裴相島  
中卧煙篠于時高士適窺臨謂青士愛余詩卷蒙招尋挈舟  
邀我到梅里草堂款接聯清吟縱橫字句皆信手得失  
彼此能同心臨行向我三致意汪家昆季才可欽深知  
顧郎難衣食或期一面如芥鍼因之捐別雙溪客興發  
桐川舉修嗣微涼暫艤荻邊航薄暮來投竹間宅劇憐  
傾蓋若故交陳設樽俎具殼核是夕蟾蜍恰三五忽有

風雨林昏黑張燈更作文字飲潑墨敢將圖繪惜松杉  
梧柳槐榆楮檉澗芭蕉叅竹碧蘿軒書帙鼎彝屬位置  
清楚罔遺失嘉賓賢主貌四人謦欬流風真可即寫成  
各就題畫歌鏗轟金石何其多數杯相勸須茗芋喜我  
所歷無軼軻異鄉之樂固不淺詎肯拋却家山阿咄哉  
前言多瑣屑一聽恐泥君雙荷佛家以耳稱雙荷葉  
詠屐硯爲柯庭作

端州產硯材抱晦在巖竇其深莫可測雲蒸漱陰溜交  
冬始椎鑿水涸免顛踣截出真紫珉溫潤若膚腠嘗按  
米氏譜佳者未易覩柯庭具眼力鑒物無舛謬謂有宋

遺硯價重不輕售從閩隨端宗行殿供左右鸞牋灑宮  
翰銀箭傳晝漏倉皇歎羣僚封章日交奏烽煙混旌旄  
風雨侵袞繡幅員裂殆盡目慘逾北狩咄爾一片石神  
靈暗呵詬歷年四百餘至今留宇宙收藏易三姓顛末  
已悉究購歸傾囊貨猶珠不脛走焚香設文茵鄭重出  
諸袖繩窮乃開匣光澤煥瑩秀美哉果端產款制謝雕  
鏤中凹外角利毫不沱纖垢摩挲發三歎不鈍而得壽  
鳳味空望塵龍尾羞牛後自今楮穎輩夙願欣始副紀  
序贊銘跋隸楷草篆籀留題盡才彥同心若蘭臭斐然  
述顯晦豈被物見囿

次無殊韻題贈女郎文織二首

風前怯步倩誰扶妹又嬌癡是女雛試問繡窗新病起  
玉簫譜得數聲無

竊香累客豈爲寃暗定情時向後園若比花枝趁風信  
小梅偏占是初番

文織校書過華及堂因留夜飲次韻二首

相見嬌羞語未多越羅衣薄受風和鬢搖翠葉盈盈出  
口動脂香緩緩歌畫扇祇教添紫蜨勸觴還欲折青荷  
生憎杜牧才輕薄也索鈿車每日過

得狎佳人醉衆賓  
竊憐輕燕掌中身  
葡萄繡帶長縈步

楊柳歌詞緩動唇箏柱數催金觥暖燭花重奪綺筵春  
鬪題共覺添文思坐待蟾蜍上半輪

端陽前一日喜文織至四首

粉腮明似露沾花艾葉斜簪小髻丫  
遇節憐伊能慰藉人今五月未還家

佗扇盈盈立近身嬌來真覺可憐人  
臂鞦尚怯珍珠絡知是蕭娘病起晨

似雪肌膚映絳紗玉杯雙手進流霞  
座間煞怪添顏色瓶插安榴不鬪花

小響琤琮撥鈿箏停斟玉觥黯傷神  
不須更奏陽關曲

動著鄉心是此聲

偶過文織校書家目一小鬟年約十五  
舉止閑雅

似出諸女郎上命名鳳吹詩以贈之八首

半整釵鈿便動情香肩如玉削難成  
自持新繡雙鸞扇笑倚欄邊乞命名

豈是青樓薄倖人煙花三月負陽春  
筵前歌舞何曾劇背面嬌羞不轉身

見說歡娘最小時手中擎出鳳笙吹也  
知蚤解絲兼竹隳括香名特贈伊

的的櫻唇緩露辭題名鄭重願題詩未  
知桃李芳年後

得似今朝薦茗時

雕榭夢果費珠心半日芳筵款接深耐可茶蘼花爛熳  
十三雁柱惱箏音

花捲微風遞麝香纏綿情緒竄堪傷雖然不是維摩詰  
要散天花作道場

別時嬌態十分添送客盈盈出翠簾手揭繡裊花下過  
青苔不染鳳鞋尖

轉覺情多竄累才醉巾錯喚小蠻來烏絲細畫吳綾薄  
字字教伊繡一迴

集杜句題桐陰池閣冊子

桐葉坐題詩日脚下午地茂林延疎光載筆尚可記故  
里亦高桐密榦疊蒼翠空留一院陰遊子方迢遞冰壺  
動瑤珞相對如夢寐檢身非苟求胡爲淹此留主人不  
世才會心真罕儔疎通略文字老氣橫九州僊鶴下人  
間孤雲亦羣遊令我懷抱盡蕭蕭梁棟秋泛泛浙江漿  
秀色因異狀入林解我衣突兀倚書幌江城帶素月早  
聞名公賞樺燭蟠長煙佳句染華牋嗜酒益疎放昨夜  
月清圓歡罷念歸旋吳門興杳然知音爲回首自有一  
山川

女鬟鳳吹出見題扇四首次韻

綠桑煙散綺疏幽約畧梳妝在小樓聽得竹邊魚鑰動  
錚然溜下玉搔頭

再見春魂倍黯然粉顏嬌麗勝於前應憐阿姊成消瘦

太劇輕身奉少年

時文織  
病初瘳

不踏金蓮步步輕笑將紈扇謝題名此回便擬陽臺路  
贏得襄王夢欲成

翠霧雙鬟白雪膚繡衫香麝染花須千金買笑尋常事  
定換歌喉一串珠

文織偕妹鳳吹至六首次韻

見客雙雙拜行杯怯遠前詎嫌箏語澁今次換新絃

病骨濃消瘦真爲藥店龍憐伊比花好翻勝舊時容  
襟坐芙蓉褥當筵不暫離朱纓雖客衆燭跋詎相欺  
低語吐蘭薰纖眉呈桂葉年輕酒未勝一醺頰雙頰  
帶人能宛轉情死更情生綰結楊柳枝注意未分明  
雙條燒蠟豔六曲掩屏深鐵撥鳳凰槽容彈腰眇音

前題次韻

雙雙語笑鈿轅偕晚倚新涼過竹齋攜得翠鸞新畫扇  
簪來玉燕小橫釵腰憐約素圍羅帶日送微波動繡鞵  
正好端相何遽別奈他梧月欲盈階

文織到桐三月遂去因書此寄意次韻

笑語依然夢裏逢  
豈期南浦送孤蓬  
艷歌竟負梧桐月  
輕骨難禁菡萏風  
桂燼鴨心羅薦冷  
蘭燒鳳脰畫屏空  
煞憐舊日尋伊地  
誰遣餘花發故叢

題汪柯庭勘書圖十首

寶書發篋吐光芒  
二酉搜來石室藏  
辛苦校讎忘歲月  
春風帶草幾回長

俗學紛紛肆力排  
古心真與古人諧  
名山蚤待千秋業

應有蛟龍夢入懷

近柯庭究心  
春秋之學

牙籤細帙列縱橫  
南面何須假百城  
海內幾人能好古  
披圖歛使寸心傾

秦火煙銷漢柏馨  
續來經術共千齡  
一時磨校開生面  
虹使中天皎日星

天王袞斧尊麇史  
太極陰陽祕馬圖  
絕學千年露心髓  
發揮應歎宋諸儒

丹黃不廢課三餘  
髮葉纖埃痛埽除  
縱有缺文難句讀  
人間恐更少完書

篆銘尚有商彝考  
竹簡誰求晉窰觀  
奇字形聲無復講  
古碑多半土花攢

爾雅蟲蝦疏舊註  
離騷蘭茝撥陳芟  
動將寸晷爭餘力  
博洽多君具此懷

歷朝史冊垂天壤，褒貶能無隻字訛。却怪後賢如斷獄，是非翻案較前多。

更有藏書出宋元，紛紛按本據根源。倘然偽種流傳出，專待投膠救水渾。

松之營蓮花蕩先塋至桐有贈

梅天雨霽石林前，杖履來過破竹煙。握手到今纔兩地，論交不覺又三年。正須桐水聯詩社，漫向松陵撥釣船。風木尚遲營馬鬣，同人每感孝思偏。

丁巳九日碧巢新樓雅集分韻

闌干十二俯城闈，宴設樓頭坐接茵。泛菊共歡佳節酒，

佩萸還屬浪遊人。浮圖碧繚溪煙淡，睨睨紅翻木葉新。景物未能流覽遍，清吟盡日拂詩塵。

秦駐山望海同碧巢作四首

突兀蒼山瞰海邊，如雷巨浪下喧闐。百川納盡難爲水，萬里窮來只有天。風靜魚龍翻落日，草枯鷹隼掠荒煙。未知蓬島從何所，賺却秦皇不得仙。

縱目窮荒八裔清，振衣絕壁使人驚。排空飛沫連沙積，振谷衝風與浪爭。雨歇駕樓疑蜃氣，潮迴擂鼓送鼉聲。每嗤精衛思填石，未見揚塵豈得平。

捲盡黃塵滓穢開，狂瀾倒撼衆山隈。地維果是東南缺，

潮信能分朔望來，腰眇搏桑騰日馭。微茫碣石沒雲堆，  
年來斥鹵雖成地。一寸禾苗勸莫栽，蘋末風生氣色新。  
渾胚纔判霧消晨，龍堂珠滿猶藏月。鮫室綃多幾贈人，  
萬穴波濤浮作國。十洲花木別生春，釣鰲空負任公志。  
數載飄然隱海濱。

題柯庭翫鶉圖二首

拄頤無劍聳冠纓，白皙清揚點染精。偶借鬪鶉爲戲事，  
嫣然一笑破朱櫻。玉壺酒美引連卮，不喚琵琶媼翠眉。  
看咏到黃鶉分勝負，恍疑韓孟鬪鷄詩。

春盡日送管谷之桐川

輕寒被未換重池，睡美連朝起每遲。吟喜雨多留客候，  
醉憐春遠別人時。棟花門逕家家掩，笋味盤餐頓頓宜。  
可奈周郎歸興急，旅中無計解愁眉。

己未清和月下澣奉訓六州碧巢贈別原韻

此地幾迴別，年年若定期。高樓楫雨夜，故國麥秋時。  
思續吟殘燭，重傾醒後卮。多煩主人意，孤棹又歸遲。

題柯庭援琴小照

余素不善琴，粗辨太古之遺音。每當下指時，恍若水穿  
石竅，風生林。又聞牛鳴窈中雞，登木一彈再彈洗我囂。



煩心年來兩耳慣被箏笛使倒顛宮商角羽徵有琴空  
裏破錦囊金徽玉軫無人理世間解得琴中趣誰似平  
陽汪季子即今貌出撫琴圖先置此身丘壑裏先生不  
知移我情僧繇點筆天機精欲揮五絃復停手目送天  
末飛鴻聲攏椽樹葉脫不盡秋江渺茫一派煙雲橫

次和硤山春遊二十韻

十里連闌闌東西紫硤雙翠楸盤曲路碧柳蕩輕艫蕩  
水纔停榜貪山正倚窗層標撐梵塔廢堡折旗扛葉動  
啾新殼沙崩出朽椿漁樵風自撲童叟語多嗔草茁淡  
耕空山姑舊架石講筵鐘隱隱神宇鼓逢逢瞰海梯青

僻穿林禮

打笋

曳履蘇黏幫石沼浮圓鯽

槍籬護小庵衫袞嘲越製箏笛沸吳腔漫捲龍鬚席堪  
攜瑪瑙缸刮眸多異境漱齒有寒淙翳蒼篁陰閱清泠  
澗響撞坐來幽興愜行覺壯心降酒敵嵇同阮棊麈孫  
與龐鶯花悲令序言劍走鄰邦五字城難築千鈞鼎孰  
扛筆鋒慙莫倚夜詠池鐙缸

又次和三十韻

習習風餘力叢叢柳亞梢數人藥艇子十里轉塘均撥  
櫂心新苻迴篙折軟交沙暄連鴨隊葉密穩鴉巢忍把  
芳辰擲難將美景拋冶遊非俗習行樂是天教下釣魚

貪餌抨弓欲避稍煙銷分碧嶼草輭而青郊瑣細棠梨  
蕊爛斑箭竹芭蕉漿甜似蜜松釀醞女膠野叟扶藜杖  
村娃髻髻編籬全插棘結宇半苦茅裨販爭晨夕推  
魚悉混淆陡厓橋柱貫行樹寺牆包陰訝峰巒暗晴看  
紫翠交瀑泉懸匹練霞氣曳長旂壞塢中棲鴿澄潭下  
卧蛟蟲飛驚燕啣花安怪鶯捎薛稱蹊迴折喧嫌市雜  
叟斷碑牛角礪荒路虎蹄跑清楚聆金鐸歸鞭指玉鞘  
屐踪猶未徧詩骨謾云勦作客身雖健思鄉意實愾書  
堆過壯齒卜肆決貞爻每嘆徒懷璞真慙尚棄匏新硯  
驚發刃薄學慕知肴訓勸傾深觥烹調備小庖感今賜  
自鬱撫昔氣空休驛暝懸燈簇城昏警柝敲醉來題滿  
紙工拙不辭嘲

次和三月三日郊行即事四十韻

禊事修茲日無辭早盍簪韶光殊太速暖氣一何酣遊  
衍懷同暢風騷興日堪味清鑪淪茗香噴爪癸柑窗網  
煙微著檐牙露半涵會言尋寺畔相約度橋南勢迴城  
環市層高塢暎潭花明紅似火水淨碧于藍憇石難齊  
醉輒泉始辨貪藝林風不替象教力誰擔碑字埋蒼蘚  
鐘音破溼嵐繞廊筠瑣碎夾道柳種參意適春將暮機  
忘樂已湛緡經熏艾納豎義現優曇選樹鶯工轉歸巢

燕解談耳根離火宅心觀出塵函馳騁名奚益紛華性  
詎甘宿桑真羨釋指李竊聞聃玉軫虛琴操楸枰罷手  
談浮丘曾挹袖彌勒暫同龕莫道前言妄原從後悟參  
歡來寧至劇憂在信如惔渚曲還垂釣林隈可鼻籃頗  
宜松偃蓋差勝草苫庵習俗欣能儉緣情覺每慙吏徵  
錢與穀農望麥兼蠶旱潦灾方弭烽煙戰幸戡折衝停  
羽檄應募走丁男觀此潛增感安然實抱慙力難稱驥  
駉材敢厠梗楠肉食雖云鄙幽居偶爾耽衣裳稀挂桁  
米粒尠儲甌數齒年加長謀身事熟諳寥寥書一篋耿  
耿劍雙鐔斫地歌仍放持盃飲似婪薦梓攢筍蕨下筋

雜蝦蚶好與奇文析還將險韻探田溝拱禮鼠亭柱繫  
征驂紫艷玫瑰發香苞芍藥含謾憐今客裏三月又初

三

次和無題二十四韻

瓊英紉雜珮雲葉製新衫篆裊香添鼎塵消鑑溢函櫻  
含朱的的蔥剝玉摻摻智種潛能茁靈根暗莫艾多傷  
龍骨出有恨石碑銜書札青鸞附更籌金狄監曉樓鶯  
覩耽春柳燕呢喃孰許珠聯斛誰誇錦作帆荷灣空置  
艇蘭畹敢攜鏡路惜落紋重泉知井味鹹便娟參露條  
磊砢疊湖嵌湘瑟絃離柱齊紈扇在械繞闌憐翠樹排

闥見丹巖花氣爭熏麝芝輝不避麇洛川神詎異巫峽  
夢終凡雞值犀株駭魚成鏗焰饒小涼生院落微靄抹  
檉樹詩做迴文織箴從列史劉芙蓉葩竝帶鸚鵡口三  
緘星渚牛何隔冰輪兔枉兔鬱懷長耿耿隱語敢誦誦  
臺迴風當楚池暄日浴咸稍通情宛轉為倚志和誠白  
璧能無玷幽貞豈畏讒

春日桐川寓懷三十韻

十年勞跋涉幾輛費芒屨放浪休朝阮專愚實比柴山  
船逃木杪水弩避江涯記已未年事豈有文章著徒增運命乖  
日車騰照耀坤軸埽陰霾綠迸枯株枿青蘓凍草萎論

功由覆篲為學自升階帙散丹黃雜歌長金石諧一從  
迴剡權復得住蕭齋騷雅心曾折鶯花候始佳每淹長  
路曲更動異鄉懷樂社期空負萊妻隱未偕幽蘭香在  
谷嘉橘種移淮刃澁看藏劍毛焦拭病驅犁鉏違野叟  
杼軸問鄰娃軍稅遭攤納官徭休賦差問閭餘揖讓竹  
肉斷咬哇小麥溫風秀柔桑細路排幸能辭凍餒寧論  
苦形骸茆屋連巢燕蒲塘兩部蛙喧囂憐衆物慘澹及  
吾儕春服初裁絹蔬飧半薦鮭狎鷗臨在渚采茗憶蒼  
厓何日輪生角經時箭別鞞藤枝牽壞堞榆莢蓋空街  
雅興還應鼓狂名肯便埋酒觥須引滿詩體不妨俳畫

惜沾寒具書能論折釵石欄行陣蟻落辟蔓涎渦醉眼  
朱成碧昏矇袖屢揩

次韻喜六州將至兼呈碧巢箕谿

汨汨烽塵際寥寥學行兼弟兄今挺出風采喜長瞻氣  
應填箠合鋒驚千鎔銛義聲俱感激芳潤已均霑資讀  
熊丸苦承歡蔗境甜吹噓情不倦揖讓禮無戢得託金  
蘭契相留歲序淹深衷傾積悃虛左獲掀髯稽古分紕  
繆論文重典嚴方謀聯翰墨恰值返閭閻桑梓初夸險  
干戈舊履阡山形仍北迤江勢正東漸曉發催開舵晨  
炊勅漑驚起居調鼎膳扶持備輿幃野鳥飛相命谿花

笑共添墓堂捫蘚碣家廟擴雕檐俎豆登蘋藻宗親列  
陛簾玄狷闕劍靶粉蠹落書籤寧以儒爲戲惟于道自  
謙遄歸聆謦效末事剖修纖谷口耕宜鄭淮南辯取詹  
世情當洗剔時弊要鍼砭梁棟材方擢珪璋質孰嫌著  
籌能借畫龜策好憑占芒縮星除彗輪安月露蟾幾年  
荒稼穡何策救蒼黔經濟須提要聰明貴養恬祗期前  
路達莫學野夫潛顏巷原甘樂陽門不用覘收身混屠  
釣局跡類髡鉗嬾就燒丹竈空垂賣卜簾兒嬌索梨栗  
婦儉缺壅鹽灌菜常攜甕樵薪每帶鎌披衣嗟掩肝鑿  
貌怕開匳屢怪行藏拙那求夢寐懣篁園梢可數拓圃

葉堪拈寺裏搜詩料橋頭覓酒帘動憐吟思澁在倚筆  
鋒尖不棄管同蒯寧工素與縑謝家池草徧春雨又霰  
霰

題碧巢新築二首

爭羨閒居寄興多經營小圃日相過煙條拂地移人柳  
雨蕩經春補女蘿行藥預開花下徑彈琴更結竹間窩  
他時景趣應無限望寄新詩一細哦  
兩板荆扉面北開墻匡壘石不防隕拖藍谿水疑重壑  
屈鐵梅枝買舊栽風側帽簷黏蛻葉雲生欄角染新苔  
從知此後多車轍莫訝萍蹤獨未來

集華及堂倡和詩六首

張燈此夕會初筵罄折情深地主賢莫訝風塵為客倦  
由來文字作緣偏殘梅夜月方聯袂細草春洲謬叩舷  
時義逸旋  
欲別去 萍聚人生非易事樽前拚取各陶然

故人舊闢讀書樓惆悵非君在昔遊煮茗支鐺無赤腳  
穿林調水換蒼頭久聞禽戲窗中得遠愧蟲書柱上留  
誰道十餘年一別異鄉杯酒挹風流

謂賀  
同庵

離合吾曹豈有涯相逢為勸祝蒼華金樽既送深更月  
羯鼓還催別院花泛梗竟忘身在客聞鶯却惱夢歸家  
顛狂文酒年年在如此襟懷枉自誇

詞場領袖近爭推聚首溪堂喜舊知肝膽照人俱似雪  
風塵銷髣半成絲拚將擊落斟松醞待展瓊瑜舞柘枝  
不是鄭莊偏好客可能良會盡如期

春宵列炬照階蕪花月邀歡不可孤千古騷壇饒屈宋  
幾年兵略罷孫吳酒量東海傾難盡書比荊州借得無  
飛蓋西園更何羨新篇蚤擬庾肩吾

旅中底物把情陶賴有杯鎗屢見招花影拂牆燈畔見  
芹芽入饌澗邊挑敢誇向秀能交呂祗恐桓溫浪薦譙  
興至尋常惟竹路難忘問訊過東橋

寓長興訪萬玉庵古梅相傳係宋元間物遂繪爲

### 圖并題

巖根古梅何年栽厥狀詭異遭疑猜蒼皮裹蘚半慘裂  
如龍蛻骨乘雲雷擘空舞勢故屈強冰雪交戰心難灰  
其餘勁幹勁於鐵細小螻蟻空爲灾天寒權柄托真宰  
剪刻五出瑤華開陵遷谷變幾閱歷不致枯朽真奇哉  
湖州太守好事者扁舟直抵巖之隈謂吳妖紅慢綠斥不  
御肯就荒僻搜其材手遺彫珠四十顆醉花再命葡萄  
杯遙令庵僧亦護惜壅土培樹斬蒿萊自然高潔出塵  
表老眼藉此除纖埃可憐緣薄阻風雨花謝半月方能  
來枝頭青子未忍摘忽聽長笛聲悲哀

丙寅試燈日方畫便面奉寄碧巢渲染未竟而手  
札適至聲氣相應亦奇事也因以識之

草堂竹木暝煙虛帶水暎遠感索居正擬尋君鼓蘭棹  
敲門傳報數行書

為鷗亭題惲南田羣芳圖

南田草衣寫吳紈真花種種歸毫端散將勾勒換沒骨  
運腕豈許纖塵干未知天工幾多巧供得丹青日為耗  
花分四季三十枝生面開來俱逼肖辛夷花放紅杏鄰  
桃霞梨雪無邊春各矜顏色弄韶穉誰比傾城絕代人  
蜂喧蝶鬧未休市棣棠能黃蔓菁紫金絲桃並米囊花

信手拈來無不是畫時十指生春風濃纖高下偏精工  
眼空徐黃與崔趙意態百出由胸中閩南茉莉濃薰麝  
夾竹桃枝巧相亞紛紛野卉雜青黃略收粉本專聲價  
春歸徂夏及秋涼蓮花欲語口脂香鷗汀蓼穗露初卸  
芙蓉綽約爭新妝秋紗落剪石竹繡雅稱僧鞵菊時候  
嫩莖風抗海棠嬌點綴翠鈿如刻就嫦娥分桂天香吹  
小叢月季餘妍姿羅含宅裏菊數本衆芳壑倒獨擅奇  
凌波仙子尤高潔旁有珊瑚誰擊折滇茶異種喚楊妃  
故伴疎梅傲冰雪未妨擬作散花天主人詩似維摩禪  
屬余題就續花譜七十二候羅眼前



丁卯九月墨戲用薩天錫韻呈碧巢

前夕蓬窗江月射森梢林竹藏啼鷓袂衣涼透覺秋深  
芙蓉老矣迎風謝因思桐溪兩年別平明撥棹過煙舍  
主人勸飲意益濃畫筆淋漓醉中借

高涼雜詩四十五首

并引

高涼為古南巴地山海錯盤獠雜處僻遠之境也  
汪君晉賢孟兄曉庵通判是郡權太守印以病歿丁  
卯十月訃至桐鄉余適在館晉賢挈其孤侄偕余行  
舟車跋涉經六千餘里歲逼除乃抵官解經理喪事  
閱三月扶櫬還里天涯感悼殊難為懷客居岑寂無

所事事遂按圖經與晉賢搜覽山水問風俗審氣候  
逮草木鳥獸往古迄今之事跡可備采者輒用片紙  
錄之日積月聚各得絕句若干首號高涼雜興

山郡荒荒瘴氣開喧闐簫鼓鬧衙來惱人桃李爭先發

早挽東風漾酒杯

除夕元旦各官署都  
有鼓吹謂之鬧衙門

月照牙前白似霜元宵鼓笛擁圓場花燈亂眼蠻兒舞

箇箇新腔換弋陽

燈用五綵紙飾以花草兼有百花燈以雜碎紙紅白相  
間砌成元夜蠻兒扮演雜劇或乘紙馬燈繞場旋舞或

造紙船載蠻兒以行其曲調間  
有唱弋陽腔者名外江曲子

柳條葉葉鬪着長新搭鞦韆出礪牆忽地笑聲風趁起

小娃學得北人粧

營兵住處半設鞦  
韆染北人之習也

味到南烹散海腥，蠟粘鱉負各殊形。朶頤那得江瑤柱，索莫花陰酒半瓶。

幾家竹屋繞籬笆，跣足青裙事績麻。同伴釀錢邀瞽嫗，

荳花棚下聽琵琶。居民悉編竹為廬，間有蓋瓦者，婦女多推跣以績麻為事，扁豆花四子不絕。

對對紅旗鼓笛遙，綠知吉日定婚朝。藤拌挂綵，檯庚帖

椰子檳榔壑擔挑。以椰子檳榔為聘儀，自過梅嶺皆然。

蠻俗家家使占錢，歷朝年號字形全。五銖半兩土花蝕，

輪郭分明只貨泉。高雷廉各郡至交趾，恆用唐宋錢五銖半兩及貨泉三種，俗謂之番錢。

萬里車書處處同，此邦還未暢王風。但餘武備無文事，

寂寞荒林掩學宮。

細雨春場草遍青，天涯懷舊涕先零。兩朝前後皇華使，

不及賡詩射圃亭。明季吾鄉魏仲雪先生奉使衡文，有觀德堂記射圃亭詩，載郡志。本朝順治間先師錢壑翁亦任是職，廣東各

郡邑俱屬考試，惟茲郡值李定國之亂，按臨三日，幾罹難故，缺詩文。

城陰重浚墨池泉，筆架峰虛插瘴煙。碑版不逢唐楷法，

化州訛載柳公權。墨池舊為城所壑，教授某重浚筆架山，在城南。適對學宮，影落地內，形家云筆山向外，故文士少。化州志列

唐柳公權於名宦而通志作柳公權，本傳公權未嘗刺。化州志列

徹曉蠻風掃瘴煙，上官灣水珀石於天。木棉花老春分後，

怕走山南聽杜鵑。上官灣在東城北，崖石高峻，淵深莫測，木棉一名斑枝花。

觀山寺裏日盤桓，異卉紛紛總眼寒。惟愛佛桑花艷發，

膽瓶剛折數枝看。觀山一名昇真山，晉永嘉潘茂名於此昇舉後，築觀其上，故名。寺因廢址而建，遂為觀山寺。

老僧新焙玉泉茶水沸砂鑄炮嫩芽試飲連甌潤枯吻

清吟不散對蕉花

五泉庵名庵傍有井曰玉井相傳潘仙所遺泉已涇塞上多種茶

傍竹官齋葺再新蠟灰泥壁窮遮塵夜窗祇恐書難檢

鼠上燈檠不避人

鼠狀可畏白晝行几案驅之不去夜間尤甚

雨餘青草瘴雲蒸連夜蠅聲苦沸騰我欲灑灰焚牡鞠

黑甜一枕實難憑

姓名賴蛤狀甚悍惡黑脊而大雨後梁呼如雷竟夕不輟

清明日煖百花翻荷傘村娃祭掃歸憶殺江南此時節

白楊風捲紙錢飛

婦女出遊悉張傘遮面以避路人

峒徭隔宿乏春糧日恃粘竿弩箭強搜取珍禽與文獸

赫墟料揀小檳榔

檳榔小者為貴名棗兒檳榔

一片貞珉勒諭鹽粵商射利竟無厭可憐電戶添丁口

熬滷成堆食未沾

郡城東五里山之南鹽估悉居其地謂之鹽埠有諭鹽碑為明天啓間領南參議晉江蘓宇庶撰文畧而錄之

曰高郡鹽餉僅四百零量地大小視戶數多派入丁口餉矣用商上無虧國之思

蒼黎每丁分釐足支一年肩而易粟俯仰資誰其主此饑道司之盡革商引任彼諒呼堅弗為動絕去私書力請兩臺補餉報俞貧鬻靡禁鹽科四通昔時食貴勛且六文今茲食賤一文易勛父老權舞闔郡同春

蒼黎窘促苦官逋孽索纍纍塞路隅賠墊無錢受鞭撻

連年空望兩收租

各州縣每歲兩收稻米米恒價二錢五分一石餘若歲歉價至四五錢民便飢死若賣男女完糧全不為異

種穀栽桑莫補勞千村編戶罄胎膏豐凶何藉毛仙卜

願得麀鳴活爾曹

東晉有毛方者得服氣法自幼至老兩頰如丹水旱將至預以告人無不徵驗後隱去茂名縣有寶山秀麗

如珠圖經云山有麀鳴則赦書至

土風疫癘信巫師總入膏肓不用醫一著竄憐燒艾苦

古明堂穴竟誰知俗信鬼遇疾病不尚醫藥惟宰牲祀鬼至夜分巫者必其家插柳枝於門首鄰鄰親屬無敢入戶三日無效輒以艾炷灼病人甚至焦爛而斃

東坑瀑布灑林長中有危厓抱石堂賴得龐夫人廟在  
不愁無雨灌田秧東坑舊名龐瀑上有龐夫人祠旱歲禱雨輒應

墟上朝來貨物饒牛車輾輾過南橋租田新麥家機葛  
換穀聊資種稻苗墟名不一近郭惟沙坡曹江低沙石鼓四墟買易為多石鼓次之每月換期輪轉成市

擔頭賣菜日攔街白莧王瓜雜紫茄苦憶故鄉鮮筍美  
每餐惆悵滯天涯二月盡莧菜瓜茄之屬紛紛滿街竹筍味苦不中食

山村候熟汗霑裳路隔思乾井水香權借荔枝陰下坐  
不憑高處不風涼城東有思乾井亦曰潘仙煉丹所遺水特甘美

窄堵撐雲歇寶光曾遭雷火裂西旁至今絕頂無人到

百尺蚺蛇白日藏城西岬寶光塔相傳有道士登其頂祈雨雷震死於是西面俱裂近有巨蚺出没人不敢上

榕根屈曲作週垣土偶荒祠半掩門已斷人來擲杯琰

定過村社賽鷄豚去觀山一里雷廟後榕樹大十圍綠陰四覆豆畝許其根環繞如牆垣

無端修禊過芳辰欲憇山亭雨阻人此集杯梓須盡日

離支花已十分春同客西冷汪次燾莫且言二君攜酌於會心亭時荔枝花已爛熳

擗殘柑子飲椰漿葛粉流匙竅晚嘗自笑老饕圖口腹

還思新麩漉桃榔柑子色純紅皮薄土產中之尤者葛粉漬葛根為之能解酒毒椰漿性寒味如淡白酒桃榔斃其樹皮中有

屑白而細可作餅餌

清晨行過鑑江亭草際風迴遞遠馨憐殺白鷗拖彗尾

遮身不穩竹梢青

鑑江亭在觀山之側江水紆曲流入大洋白鷗形似山雞白質黑章尾長三四尺距翁純丹亦有青黑者

漁家每候雨開晴竹筏聯翩逆水撐隨路便遮三面網

不容一尾脫身行

江水隨灘勢瀉下大雨後漁人爭截長網於下流所獲甚多亦奇觀也

高將軍葬泰陵旁第宅遺基草遍荒目斷紅塵飛一騎

玉環遺得荔枝香

唐力士宅在茂名縣荔枝支名進奉者天寶間所貢其種軌夥不具載

籬落薔薇亂放英田家打麥削場平茜蕨竹傘歸寧女

新墾騎牛護轎行

鄉民稍豐足者出入乘鳥健

幾聲都護孔家禽翠尾潛消一半金困汝朱籠殊可惜

花殘豈惹損春心

孔雀生羅州山中雌者尾短無金雄者有之春生夏凋與花萼同盛衰自喜其尾而甚妬其鳴若曰都護都護

春深末利簇花稠東舍西隣結作毬若竝素馨應奪色

論香還替木樨愁

素馨未春先開木樨花四季不絕土人俱結作圓毬中嵌佛桑花一朵賣於街市

樓額觀風亦等閒倚空層檻可躋攀題詩易得神仙和

應是蓬萊指顧間

化州城上有觀風樓宋天曆僉憲呂沉創有詩落成後一日樓版上書李仙和詩讀方畢字蹟隨滅詩不及錄

海國當年物產殊文魷生玉鼈含珠更奇驛馬衝波出

也似犀牛角一株

事俱出南越志

銅柱西南瘴氣深奇峰錯列樹陰森象犀翡翠年年有

那比瓊山產水沉

水沉瓊山所產欲取者先斷其積年老根經歲皮幹朽爛而木心與枝節不壞者即香也堅黑沉水者為沉香

細枝堅實不爛者為青桂半沉半浮者為鷄骨形如馬蹄為馬蹄粗者為棧香香雖五種其木同一木也

轅門鼓吹柳風清錯立旌麾列五營只有狼獾須駕馭

炎荒種落異編氓

狼獾獠三種俱盤瓠之苗裔賦性頑獷難繩以法自前代始調募為兵至今猶分為狼兵獠兵獠兵云

地分唇齒存烽埃山扼咽喉設砲臺莫怪綠林還嘯聚

小函關又長蒿萊去城一里許有小函谷關通信宜羅定諸州縣為果道扼要之衝前明承平日久鞠為茂草崇禎間參政晉江

王際遠率郡縣營成今復傾圮

斑斕銅鼓篆微訛試擊聲聲類鶴鴛定是伏波行陣物

地分交趾衆山多郡志載明萬曆茂名高田村溪水衝出銅鼓形如腰鼓平面空中無底徑三尺有奇面上列蛙蛤形者六遍體篆文翠斑侵蝕可愛擊之聲若鶯鶯相傳馬援征交趾梁歐陽頌在嶺南皆以銅鼓進於朝汪子晉賢華及堂二銅鼓蓋此類

新買黃猿產峽山生成慧黠菓能攀廻船帶爾端州過

試看留僧碧玉環玉環唐孫恪事見唐人小說

吹斷譙樓畫角聲鯨波日氣射山城龍山松柏雲遮徧

何處題詩覓老兵宋紹興間有吹笛老兵一日題詩于信宜譙樓畫角吹來歲月深譙樓無古亦無今不如歸我龍山去松柏青

青何處尋世傳以為仙龍山在縣東二十里山勢險峻有風雨二窖其深莫測有龍伏其中故名

樹綠潮黃龍母灣天教靈物產人寰偶徵事蹟懷鄉國

龍廟荒涼在頂山信宜水西有婦往汲一男子自河中出與之合後間饋魚以食其姑已而婦有娠詰之以前事對久之產二子俱逃入水中婦卒葬之日風雨大作河水泛溢將婦柩推去易大石棺葬于東灣因名龍母灣吾鄉白龍亦人產也事差相類至今龍廟中禱雨輒應

天涯吟苦鬢先華采藥山村得幾家益智杖頭初結子

合歡葉底半含葩益智合歡二種皆土產也

電白城樓

不倦登樓興能忘在異鄉軍城如斗大島樹過人長天

末分交趾山根插巨洋吟懷方未已安得酒千觴

熱水山

熱水山

熱水山

熱水山

熱水山

滾滾通泉眼分流古道旁  
蒸衣猶坐甑濡手訝探湯  
羣燕多忘蟄奇花特鬪香  
時臘盡燕子成羣桃李梅花已爛然  
寧須究茲理陰火  
地中藏

先夫人廟

鹵莽陳隋際誰專保障功  
蠻方驚一媪兵畧冠羣雄  
海湧牙旗日花迎繡幟風  
只嫌遺部落猶有踞荒峒

潘仙亭

亭子何年構昇真父老傳  
斯人不得見古木獨蒼然  
火斷燒丹竈沙粘壞石船  
漫言仙可學撈月水中天

過觀山曠怡亭時朱經歷攜酒餞別乘醉和吳制

府石刻詩韻

觀山亭子上日醉雨三迴  
水勢彎環去雲陰黯淡來  
杯杓重餞別花鳥亦興哀  
漫倚吳公韻詩成愧乏才

湯解辭爲柯庭作

煌煌木星精紫氛照嶽瀆  
在水生文犀在山產良玉  
所及應嘉祥方策豈虛錄  
平陽汪侯裔鐵券尚韞積  
累朝立勳業其始應必復  
余客江湖久聞見亦習熟  
天之報德門何用著蔡卜  
桐谿帶水耳十年余寓讀  
游君昆仲間仁義俱佩服  
浪迹逐蓬梗別來兩寒燠  
附書無便郵夢寐常接續  
辱君屢記存春風逗林谷  
果得克閭慶萬

事有子足雖未會湯餅狂題筆鋒禿墨鴉題數行冀得  
副私祝試啼知英物容易鞠與育不願六國印不願八  
州督但令聰明到究取儒術速一聞威鳳鳴再見祥麟  
躅預開聚書樓芸香熏萬軸

題柯庭墨蘭二首

剡谿騰貴如霜紙天下畫蘭無此比筆端具有如意珠  
頃刻香風生十指旁觀堵立驚欲倒萬葉千花割湘水  
神通變化是阿誰鞭影斧中大居士

書家側啄與弩趨用以畫花生筆力移將磔掠變為葉  
紙背淋漓俱透墨作書作畫固二塗箇中妙趣君兼得

自今蘭訣發其秘莫怪旁門來扣擊

送碧巢之任桂林

丈夫經世心所操讀書萬卷基扁牢學優而仕展驥足  
寧肯委翅棲蓬蒿素推桐谿汪叔子孝友已足佩呂刀  
胷中之才可補衮文采絢爛絲新縑迄今 朝廷宮盛  
際薦揚不待夔與咎念當榮親出膺選從容賁牒投銓  
曹粵西得郡亦意外半刺佐理何辭勞於時匹馬去國  
門暑蒸雨汗淋青袍歸將奉母到官所奈觸瘴霧驚瀧  
濤連枝總屬左右手鼎食供養餘豚羔臨岐小心拜堂  
下裘囊結束登輕舸隼旗翩翩向南指親朋餞送江之



皋灘陽此去四千里風起挂帆灘運篙荔枝桄榔暎斑  
竹蔽虧峽岼啼猿猿想從蠻徼下車後導以忠信除貧  
饕珊瑚翠羽奚足貴課督耒耜寬田毛日親案牘得少  
暇搜括靈境資風騷嘗觀范公桂海誌採錄岩洞無藏  
逃千峰林立起平陸翠簌斲削鑿天高丹崖石堂憇不  
盡松籟彷彿傳雲璈文詞發揮正賴此得非山川之所  
遭余生雅有濟勝具老眼依舊明秋毫公餘詩卷儻寄  
覽恍追賓從同遊遨不遺野逸定見問黃花無恙供霜  
螯

為柯庭畫馬并題

國朝畫馬能者誰羅浮張叟字穆之丹砂久餌作仙去  
粉本留落天之涯余從得此輒技癢每發畫興殊淋漓  
剡谿造紙供不竭握筆犀利真如錐嘗聞周王御八駿  
西將萬里窮瑤池天生造父識龍種不然羈鞅何人施  
憑空摸索出其狀要取筋骨多權奇麤鬣鳳臆與虎脊  
雙瞳紫電光陸離不如經營目所覩馭騶驪駱駢駢騅  
長林豐草適馬性撒尾頓足乘涼颺香沾苜蓿噴鼻息  
渴吻欲飲翻長嘶平崗綠陰儘休息指顧六品生雄姿  
獨有二匹忽拘怒任前舉後相逐馳柯庭主人愛馬具  
眼力辨別意態分毛皮向來藏弃穆之畫所以落筆皆

周知嗟哉天閑萬匹豈易見安得曹韓復出指授為吾師

為柯庭題茂陵書屋圖

昔從汪子棲雒州堂名摛藻殊爽塏藏書羅列三萬軸  
諸子百家靡不解讀罷怡情罨畫谿山亭樹繞無纖靄  
老榦欹簷蝕蘚斑卑枝拂檻纏蘿帶峻嶒峰起插天際  
氣色陰晴不時改仰面貪看石壁奇回頭錯應禽聲快  
草暗花明闢靈境崗迴水轉無驚湃由來造物無盡藏  
偏能發洩丹青外撩人詩思若泉湧掀倒潘江翻陸海  
惟詩與畫合一理子獨心領兼神會慙余二者無一長

却坐虛名反為累山中追隨請異日願子濟時圖遠大  
在舟為楫雲作霖莫更優游守林籟尚希官舍懸此圖  
公暇題詩發光怪

題俞石巢山居讀書圖冊二首

雲境罕人至寥寥稀賞音山溜縈百折松杉竦千尋俞  
子乃靜者誅茅擇其岑徑深謝俗轍窗虛挂幽琴家貧  
剩所蓄緗帙古與今鉛槧不釋手寒暑能苦心遡懷千  
載上會意擊節吟勤將寸晷惜遑顧顛毛侵嗒焉隱几  
坐清風滿長林

嗟余違桑梓問學日以落子獨擺喧囂山中甘處廓蘭

香表空谷虬枝媚幽壑圖書十餘篋  
排澹翰析義窮幽邈遙想味道腴  
蕙帳煙縈薄開門盼庭柯於茲有真樂

題恬村怡情小照二首

平陽公子本翩翩家擅文章世好賢  
偏將粉黛近林泉名珠粧飾古姬姜  
手捧琴書侍兩旁如此園林且行樂  
青年富貴未渠央

桐庠十咏和汪紫山作

雙桐聳翠

兩樹梧桐覆八窗日中對立碧油幢  
談經長夏渾忘暑風月襟懷自滿腔

覆閣丹楓

參天楓樹遶簷牙纔染秋霜勝似花  
紅紫萬千供領畧不須山徑再停車

觀成繡陌

亭前接畛綠秧鋪東作西成十倍租  
寄語講推諸髦士好將蘓袞驗工夫

大奇夕照

古木盤鷗日下春煙光凝紫竄高峰琴餘拄頰看無獸  
谷口殘霞襯百重

月湧晴巒

一片冰輪上翠巒清光磨盪逼人寒嫦娥苦勸杯中物  
照見先生苜蓿盤

千峰積素

無數奇峰抱學宮林風釀得雪漫空地爐添火青氈暖  
身在乾坤太素中

深柳啼鶯

春分楊柳放條長引得金衣百轉忙曾記聞韶忘肉味

偏來簧吹傍宮墻

幽巖老桂

多年老桂托巖隈雲養樛枝半裹苔定是月中遺種子  
花如金粟幾回開

橫江帆影

平林豁處接江天葉葉風帆瞥眼前看使好風真快意  
宦途寧不願加鞭

溝水西流

泮水芹香春復秋支分派別見清溝西流曲折終歸海  
中有魚龍變化不

華及堂視昔編

華及堂視昔編



